

Uunga siunnersuut: Inissianik attartortitsisarneq pillugu Inatsisartut peqqussutaata allanngortinnera pillugu Inatsisartut inatsisaat nr. xx, xx. xxx 2022-meersoq (Ineqarneq pillugu Maalaaruteqartarfiup pisortat inissiaatileqatigiiffiinum il.il. aalajangiisinnaatitaanerata annertusitinneqarnera)

pillugu

Sanaartornermut Ataatsimiititaliap

Siunnersuutip aappassaaneerpeqarneranut

ISUMALIUTISSIISUTAA

Sanaartornermut Ataatsimiititaliap suliarinninnermini ukuninnga inuttaqarpoq:

Inatsisartunut ilaasortaq Kristian Jeremiassen, Inuit Ataqtigiit, Siulittaasoq
Inatsisartunut ilaasortaq Siverth K. Heilmann, Atassut, siulittaasup tullia
Inatsisartunut ilaasortaq Harald Bianco, Inuit Ataqtigiit
Inatsisartunut ilaasortaq Anders Olsen, Siumut
Inatsisartunut ilaasortaq Jens Kristian Therkelsen, Siumut

UKA 2022-imi ulloq 4.oktober siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Ineqarneq pillugu Maalaaruteqartarfik attartortitsineranut inatsit naapertorlugu maalaaruteqartarfittut namminersortutut aamma arlaannaannulluunniit attuumassuteqanngitsut inissisimavoq. Allannguisoqarneranilu Namminersorlutik Oqartussat, kommunillu aalajangiisutut sunniuteqarfigisaanut Namminersorlutik Oqartussanit kommuninillu, namminersortunit inissarsiortunut attartortinneqartunut Ineqarneq pillugu Maalaaruteqartarfiup pisortatigut aalajangiisinnaatitaaffii annertusineqarput. Inissianik attartortitsisarneq pillugu Inatsisartut peqqussutaanni inatsissatullu siunnersuummi matumani attartortup attartortitsisullu akornanni pissutsit kisimik malittarisassiuunneqarput.

Ineqarneq pillugu Maalaaruteqartarfiup aalajangiisinnaatitaaffii inissianik attartortitsisarfiit Iserit A/S-imit, Illuut A/S-imit, Kujallermi A/S-imit, Kommune Qeqertalik Ejendomsselskab A/S-imit, Avannaa Development A/S-imit aamma Siorarsiorfik- Nuuk City Development A/S-imit inissiat pigineqartut pineqarput. Allanguutit ulloq 1.januar 2023-mi atuutilersinneqassapput.

Siunnersuutip Inatsisartunit siullermeerneqarnera

Siunnersuut taparserneqarpoq immikkoortorlu ataatsimiititaliamut suliassanngortinneqarpoq.

Tusarniaanermi akissutit

Siunnersuut piffissami 20. januarimiit 17. februarimut tusarniaassutigineqarpoq. Tusarniaanermut akissutit siunnersuummut ilanngunneqarput, tamanna Inatsisartut Siulittaasoqarfianit ilusissatut piumasaqaatinut naapertuuppoq.

Siunnersuutip aningaasatigut kingunerisassai.

Siunnersuutip piviusunngortinnerani aningaasatigut kingunerisassai siunnersuummi nalinginnaasumik oqaaseqaatini allaaserineqarput. Aningaasartuutit aningaasaliissutaareersut iluini ingerlanneqarsinnaanissaat naatsorsuutigineqarpoq. Tamatuma avataatigut inissiat amerlinerisa kingunerisaanik Ineqarneq pillugu Maalaartueqartarfiullu aalajangiisutut sunniteqarfigisaasa annertusineqarneratigut maalaarutit qulit missaanik amerlanerulernissaat naatsorsuutigineqarpoq. Ataatsimiititaliaq oqaaseqaatissaqanngilaq.

Allakkatigut apeqqutit

Ataatsimiititaliap suliaqarnermini allakkatigut apeqquteqarnissani pisariaqartissimavaa. Ataatsimiititaliap apeqqutai Naalakkersuisullu akissutaat isumaliutissiisummi ilanngussatut 1-tut ilanngunneqarput.

Ataatsimiititaliap siunnersuummik suliarinninnera

Ataatsimiititaliap 7. oktoberimi Ineqarnermut Naalakkersuisoq ilisimatitsiviusumik ataatsimeeqatigivaa tassanilu inatsisissatut siunnersuummut paasissutissat inatsisissallu kingunerisassai pillugit itinerusumik ilisimatinneqarpoq. Ataatsimiinnermit atortut isumaliutissiisummi ilanngussatut 2-tut ilanngunneqarput.

Inissiat aquneqarneranni allanguutit aqutsisoqarfimmi nalimmassarneqarnissaat pisariaqartut allanguutillu attartortullu maalaarnissamut periarfissaasa annertusarneqarnissaat ataatsimiititaliaq naliliinnermini naatsorsuutigaa.

Tulliuttumi Naalakkersuisut akissuteqaataannit paasissutissat allaaserineqarput. Namminersortut inissiat attartortittagaasa qassiuneri suli kisitsisinngorlugit pigineqanngitsut inatsisitigut teknikikkullu Ineqarnerlu Pillugu Maalaaruteqartarfiup aalajangiisinnaatitaaffiisa

matumani inatsisissatut siunnersuummi annertusitinneqarnissaat periarfissaqalersoq Ataatsimiititaliap paasivaa. Tamanulli ammasumik tusarniaassutigineqarnikuunnginnera pissutigalugu allannguut taanna inissianut attartortitsisarnermut inatsisissami nutaami aatsaat ilanngunneqassasoq innersuussutigalugu Naalakkersuisut akissuteqaateqarnerminni allapput.

Maalaaruteqarnermut tunngatillugu akiliut akilersinneqartarmat, Naalakkersuisup erseqqissaassutigaa, akiliutigineqartartoq annerpaamik 500 kr.-niusinnaasoq taannalu Ineqarneq Pillugu Maalaaruteqartarfiup aalajangersartarpaa, ullumikkut akiliutigineqartartoq 150 kr.-niuvoq. Akiliutigineqartartussap isertitat tunngavigalugit annertussusilerneqartarnissaa naleqquttut isigineqanngilaq. Ilanngullugu inatsisissatut siunnersuummi innuttaasunut allannermik atuarnermillu ajornartorsiuteqartunut immikkut ittumik paasissutissiissutinik suliaqartoqarnissaanut ersarinnerusumik pilersaaruteqartoqanngitsoq aammattaaq akissuteqaammi allassimasoqarpoq.

Ataatsimiititaliap inassuteqaatai:

- Ataatsimiititaliap isumaqatigiittup siunnersuutip akuersissutigineqarnissaa inassutigaat

Taamatut oqaaseqarluni isumaliutissiisummillu allassimasutut paasinnilluni matumuuna ataatsimiititaliap siunnersuut aappassaaniigassanngortippaa.



Kristian Jeremiassen
Siulittaasoq



Siverth K Heilmann
Siulittaasup tullia



Harald Bianco



Anders Olsen

Jens Kristian Therkelsen

Ilanngussaq Bilag

1



Ineqarnermut Attaveqaasersuutinullu
Naalackersuisoq
Box909@nanoq.gl

Dato: 13-10-2022

J.nr.:01.37.01.03-00175

Allakkatigut apeqquateqaatit

Sanaartornermik Ataatsimiititaliap imm. UKA2022/126 suliarineranut (Uunga siunnersuut: Inissianik attartortitsisarneq pillugu Inatsisartut peqqussutaata allanngortinnera pillugu Inatsisartut inatsisaat nr. xx, xx. xxx 2022-meersoq. (Ineqarneq pillugu Maalaaruteqartarfiup pisortat inissiaatileqatigiiffiinut il.il. aalajangiisinnaatitaanerata annertusitinneqarnera)) atatillugu allakkatigut apeqquateqaatit matumuuna nassiuppai.

- 1) Naalackersuisunit ilisimaneqarpa innuttaasut qanoq amerlatigisut inuit ataasiakkaat namminerisamik illuutaanni inissiaataanniluunniit najugallit amerlatiginersut?
- 2) Innuttaasut inuit ataasiakkaat namminerisamik illuutaanni najugallit Ineqarneq pillugu Maalaaruteqartarfimmut peqqussummut ilaatinneqalissappata periarfissaq suna atoraanni pitsaanerua?
 - a) Peqqussut maanna suliarput aqqutigalugu? Imaluunniit
 - b) Peqqussut maanna suliarput avaqqullugu allamik suliaqarnikkut?
- 3) Maalaaruteqarnermi sullissinermut akiliutaa 500 kr-niuvoq- annertussusiliinermi isertitat aallaviusunngortinneqarsinnaappat?
- 4) Inunnut allannermik atuarnermillu ajornartorsiutilinnut maalaaruteqarnissamut periarfissanik ikiorserneqarnissaat pillugu Naalackersuisut immikkut suliaqarniarpat?

Apeqqutigineqartut qulaani taaneqartut (kalaallisut danskisut) allakkatigut piaartumik akineqarnissaat ataatsimiititaliamit qinnutigineqassaaq. Akissuteqaat qarasaasiakkut ataatsimiititaliap allattaanut (mika@ina.ala.gl)-mut aamma Inatsisartunut (inatsisartut@inatsisartut.gl)-mut nassiunneqarnissaat qinnutigineqarpoq.

Qujareerlunga,

Sanaartornermut Ataatsimiititaliaq sinnerlugu
Inussiarnersumik inuulluaqqusillunga
Kristian Jeremiassen

Ataatsimiititaliap siulittaasua



Inatsisartut Sanaartornermut Ataatsimiititaliaa
Ataatsimiititaliap siulittaasua Kristian Jeremiassen
mika@ina.ala.gl inatsisartut@inatsisartut.gl
Maani

**Inatsisartut Sanaartornermut Ataatsimiititaliaata UKA2022/126 - j.nr.
01.37.01.03-175-imik suliaqarnerminut atatillugu apeqquteqaataanut akissut**

19-10-2022
Suliat nr.: 2022 - 630
Id. nr. 81042897

Inissianik attartortitsisarneq pillugu Inatsisartut peqqussutaata allanngortinnera pillugu Inatsisartut inatsisaat nr. xx, xx. xxx 2022-meersoq. (Ineqarneq pillugu Maalaaruteqartarfiup pisortat inissiaatileqatigiiffiit il.il. aalajangiisinnaatitaanerata annertusitineqarnera) pillugu Naalakkersuisut siunnersuutaannik ataatsimiititaliap suliamik suliarinnilluarneranut aallarniutigalugu qujavunga.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

Ataatsimiititaliap apeqqutigisai matumap kinguliani ataasiakkaarlugit allanneqarput, akissummillu malitseqarlutik.

1. Naalakkersuisunit ilisimaneqarpa innuttaasut qanoq amerlatigisut inuit ataasiakkaat namminerisamik illuutaanni inissiaataanniluunniit najugallit amerlatiginersut?

AKISSUT: Namminersortut inissiaataat attartortittakkat pillugit nalunaarsuuteqarneranik Naalakkersuisut ilisimasaqanngillat, soorluttaaq namminersortut inissiaataat attartortittakkat qanoq amerlatiginersut Naalakkersuisut ilisimangikkaat. Tamanna erseqqissarneqassappat piffissaq, nukiillu annertuut atorneqassapput.

2. Innuttaasut inuit ataasiakkaat namminerisamik illuutaanni najugallit Ineqarneq pillugu Maalaaruteqartarfimmut peqqussummut ilaatinneqalissappata periarfissaq suna atoraanni pitsaanerua?:

- a. Peqqussut manna suliarput aqqutigalugu? imaluunniit
- b. Peqqussut maanna suliarput avaqqullugu allamik suliaqarnikkut?

AKISSUT: Ineqarneq pillugu Maalaaruteqartarfiup aalajangiisinnaatitaanera namminersortut inissiaataannut attartortittakkanut aamma atuuttussanngortillugu annertusineqarnissaa, inatsisissatut siunnersuummut matumunnga allanngutissatut siunnersuuteqarnissamut inatsisilerinikkut teknikkikkullu periarfissaqarpoq.

Taamaakkaluartoq inissianik attartortitsisarneq pillugu Inatsisartut inatsisissaattut siunnersuut suliarineqarpoq. Namminersorlutik Oqartussat kommunillu inissiaataanni attartortittakkani attartortut kiisalu Namminersorlutik Oqartussat kommunillu ingerlatseqatigiiffiisa inissiaataanni attortittakkani attartortut siunertarineqanngitsumik, naleqqutinngitsumillu assigiinngitsumik sullinneqartut paasineqarmat, pingaarnertut suliap saniatigut inatsisissatut siunnersuut una saqqummiunneqarpoq. Namminersorlutik Oqartussat kommunillu inissianik nalinginnaasumik pilersuinerini attartortut toqqaannartumik, toqqaannanngikkaluartumilluunniit inatsisissatut siunnersuutitigut

naligiissinneqassapput, inatsisissatut siunnersuummut nassuiaatit nalinginnaasut takukkit.

Ineqarneq pillugu Maalaaruteqartarfiup aalajangiisinnaatitaanera namminersortut inissiaataannut attartortittakkanut aamma atuuttussanngortillugu annertusineqassaguni nutaaliornerusussaammat, tassunga tunngatillugu attuumassuteqartut oqaaseqarnissaannut periarfissinneqarnissaat qulakkeerniarlugu, tamanut ammasumik tusarniutigineqartariaqarpoq.

Tamanna pillugu, Ineqarneq pillugu Maalaaruteqartarfiup aalajangiisinnaatitaanera namminersortut inissiaataannut attartortittakkanut aamma atuuttussanngortillugu annertusineqarnissaa pillugu siunnersuut, inissianik attartortitsisarneq pillugu inatsisartut inatsisissaannut ilanngunneqassasoq innersuussutigineqarpoq. Taamaalilluni allannguutissatut siunnersuutip kinguaattoornissaa pinngitsoortinneqassaaq, ilutigalugulu inissianik attartortitsisarneq pillugu inatsisissamik nutaamik saqqummiussinermut atatillugu namminersortut inissiaataannut attartortittakkanut aamma atuuttussanngortitsiniarneq, matumani pingaartumik tusarniaaneq eqqarsaatigalugu demokratiskimik suliarineqarnissaanut ilanngunneqarsinnaassaaq.

3. Maalaaruteqarnermi sullissinermut akiliutaa 500 kr-niuvoq- annertussusiliinermi isertitat aallaviusunngortinneqarsinnaappat?

AKISSUT: Peqqussut atuuttoq, peqqussutissatullu siunnersuut naapertorlugit akiliutissaaq annerpaamik 500 koruuniussaaq. Akiliutissaaq Ineqarneq pillugu Maalaaruteqartarfiup aalajangersarneqartarpoq, maannakkullu 150 koruuniulluni. Akiliutissaaq annertunngitsaq Ineqarneq pillugu Maalaaruteqartarfiup aningaasalersorneqarnissaanik siunertaqarani, pisariaqanngitsumik maalaarutaasinnaasut pinngitsoortinneqarnissaannik siunertaqarpoq. Akiliutissap annertussusaa patsisaalluni isertitat aallaavissanngortinneqarnissaat pisariaqarsorineqanngilaq, soorluttaaq isertitat aallaavissanngortinneqassappata tamanna allaffissornikkut aningaasartuutit annertusinerinik kinguneqarluni allaffissornerujussuarmik kinguneqassasoq nalilerneqartoq.


4. Inunnut allannermik atuarnermillu ajornartorsiutilinnut maalaaruteqarnissamut periarfissanik ikiorserneqarnissaat pillugu Naalackersuisut immikkut suliaqarniarpat?

AKISSUT: Innuttaasunut allannermik atuarnermillu ajornartorsiuteqartunut nalinginnaasumik ajornartorsiutaasutut, taamaalillunilu inatsisinik paasinninnissaminnut nalinginnaasumik ajornartorsiuteqarsinnaasunut apeqqut tunngassuteqartutut isigineqarpoq.

Ajornartorsiummut tassunga atatillugu inatsisissatut siunnersuummut matumunnga atatillugu Naalackersuisut pilersaaruteqanngillat.

Innuttaasut inatsimmut tunngatillugu nalornissuteqartut kommunimit imaluunniit Namminersorlutik Oqartussanit ilitserorneqarnissartik pillugu saaffiginninnissaminnut periarfissaqassapput, soorluttaaq najukkami eqqartuussissuserisut inatsisitigut tunngatillugu ikiorsiisinnaasut. Neriuppunga akissutigineqartut ataatsimiititaliap naammagisimaarai, siunnersuutilu ataatsimiititaliamit oqaluuserineqaqqinnissaanut erseqqissaatigineqartariaqartut erseqqissaatigineqartut.

Inussiarnersumik inuulluaqqusillunga



Erik Jensen



Ilanngussaq

Bilag

UKA2022/126 – Inissianik attartortitsisarneq pillugu
inatsisartut peqqussutaata allanngortinnera pillugu

2

Inatsisartut inatsisaat
- INEQARNEQ PILLUGU MAALAAARUTEQARTARFIK

Inatsisartut Sanaartornermut ataatsimiititaliaat, ulloq 7. oktobari 2022



Tunngavigisaaq

- Inissiat attartortittakkat, Namminersorlutik Oqartussat kommunillu inissianik pilersuinerannut nalinginnaasunut ilaasut aqqissuussaanerannik allannguisoqarpoq.
- Pingaartumik inissianik attartortittakkanik attartortut Kommuneqarfik Sermersuumiit Iserit A/S-imut aamma Siorarsiorfik – Nuuk City Development A/S-imut nuussisoqarpoq. Taassuma saniatigut aamma Kommune Kujalleq, Kommune Qeqertalik aamma Avannaata Kommunia kommunit illu tileqatigiiffiik pilersitsipput.
- Namminersorlutik Oqartussat Illuut A/S pigisaraat.
- Kommunit inissiaataannik A/S-imut nuussisoqaraangat, inissiat attartortittakkat taakku siunertaanngitsumik Ineqarneq pillugu Maalaaruteqartarfiup oqartussaaffiinut ilaajunnaartarput.
- Aamma inissianut aktianik piginneqatigiiffiup, Namminersorlutik Oqartussanit pigineqartup inissianik attartortitsinerani inissiat taakku Ineqarneq pillugu Maalaaruteqartarfiup oqartussaaffiinut ilaatinneqartanngillat.



Ineqarneq pillugu Maalaaruteqartarfiup oqartussaaffii

- Ineqarneq pillugu Maalaaruteqartarfik maalaaruteqartarfiuvoq namminersortoq allanullu attuumassuteqanngitsoq, ilaasortaqarnikkut aaqjissuussaq:
- Siulittaasoq, Ineqarnermut Naalakkersuisumiik innersuunneqartarpoq.
- Ilaasortaq, INI A/S-imiik innersuussaq.
- Ilaasortaq, kommuniniik toqqagaq.
- Ilaasortaq, IPK-miik toqqagaq. IPK maalaaruteqartarfimmut ilaasortassamik toqqaanngippat, maalaaruteqartarfimmut ilaasortassamik innersuussinnaatitaaneq suliniaqatigiiffinnut ukununnga, taaneqartut tullerriaarneri maililugit tutsinneqassaaq: SIK, IMAK aamma PPK.
- Ineqarneq pillugu Maalaaruteqartarfiup suliata naammassisassatut suliarineqassanersut imaluunniit itigartinneqassanersut nammineerluni aalajangertarparaa.
- Naalakkersuisut Ineqarneq pillugu Maalaaruteqartarfimmut suliata ataatsimut isigalugit naammassisassatut tigunissaannut itigartitsinnissaannulluunniit, imaluunniit maalaarutit aalajangersimasut aalajangiiffiginissaannut tamarmiusumut peqqussuteqarluni nalunaaruteqarsinnaangilaq.
- Ineqarneq pillugu Maalaaruteqartarfiup oqartussaaffiisa inissianut aktianik piginneqatigiiffiit tamakkiisumik ilaannaasumilluunniit kommuninit aamma Namminersorlutik Oqartussanit pigineqartut aaqjissuussaanerisa allannguutaannut naleqqussarneqassappata, attartortitsisarnermut inatsit allanngortinneqartariaqarpoq.

Siunnersuummi immikkoortut pingaernerit



- Ineqarneq pillugu Maalaaruteqartarfiup oqarsinnaatitaaffii nalinginnaasut allannngortinneqassasut ersarissarneqassasullu, taamaalillunilu maalaaruteqartarfik Namminersorlutik Oqartussat kommunillu, imaluunniit inissiaatileqatigiiffiup Namminersorlutik Oqartussat kommunillu aalajangiinnaassuseqarlutik sunniuteqarfigisinnaasaanni attartortut attartortitsisullu akornanni aaqqiingiingissutinik suliaqarsinnaalissasoq siunnersuutigineqarpoq.
- Aamma Ineqarneq pillugu Maalaaruteqartarfiup oqarsinnaatitaaffii nalinginnaasut inissianut, Namminersorlutik Oqartussat, kommunip imaluunniit inissiaatileqatigiiffiup, Namminersorlutik Oqartussat kommunillu aalajangiinnaassuseqarlutik sunniuteqarfigisinnaasaata namminersortunit attartugaannut – inissiallu inissasiortunut attartortinneqarfiinut – atuuttussanngorlugit annertusineqarnissaat siunnersuutigineqarpoq.
- Attartortut amerlanerusut Ineqarneq pillugu Maalaaruteqartarfimmut maalaaruteqarsinnaalernissaat siunnerfigineqarpoq.
- Attartornermut inatsimmi siunnersuummilu matumani pisortat inissianik attartortittakkanik, inissasiortunut atugassiissutigineqartussanik sanaartornerannut, pisinerannut attartortitsinerannullu inatsisitigut tunngavissat maleruagassiunneqanngillat.



Siunnersuummi immikkoortut pingaernerit

Ineqarneq pillugu Maalaaruteqartarfiup oqarsinnaatitaaffisa nalinginnaasut allanngortinneqarnissaat ersarissarneqarnissaallu, taamaalillunilu maalaaruteqartarfik inissiani Namminersorlutik Oqartussat kommunilluunniit attartortitsuuffigisaanni attartorteqqitaaniluunniit attartortut attartortitsisullu akornanni aaqqiagiinngissutinik suliaqarsinnaalissasoq siunnersuutigineqarpoq. Tassani Ineqarneq pillugu Maalaaruteqartarfiup uku pillugit aaqqiagiinngissutit suliarisinnaavaat:

- 1) Ineqarnermut akiliutinik qaffaanissaq pillugu siuumoortumik nalunaarutit
- 2) Asefallatsaaliuineq iluarsaassinerlu
- 3) Iserfernermi inissiap pitsaassusia
- 4) Attartukkami atortulersuineq pitsanngorsaanerlu
- 5) Attartortup attartukkaminik atuinera
- 6) Atuisinnaatitaanermik allanut tunniussinnermi ikaarsaarneq
- 7) Inissiap qimannerani pitsaassusia

Namminersorlutik Oqartussat kommuniluunniit inissiaatileqatigiiffimmuut sunniuteqarluni aalajangiisinnaassuseqarpat (tassalu ingerlatseqatigiiffimmik piginneqataappat), Ineqarneq pillugu Maalaaruteqartarfiup oqarsinnaatitaaffii imm. 4) Attartukkami atortulersuineq pitsanngorsaanerlu atuutissanngillat – Namminersorlutik Oqartussat kommuniluunniit illuummut tamakkiisumik piginnittuunngimmata.

- Attartornermut inatsimmi siunnersuummilu matumani pisortat inissianik attartortittakkanik, inissarsior tunut atugassiissutigineqartussanik sanaartornerannut, pisinerannut attartortitsinerannullu inatsisitigut tunngavissat maleruagassiunneqanngillat.



Eqikkaaneq

- Ineqarneq pillugu Maalaaruteqartarfik maalaaruteqartarfiuvoq allanut attuumassuteqanngitsaq, ullumikkut taamaallaat inissianik, Namminersorlutik Qartussanit kommuninilluunniit pigineqartunik attartortut maalaarutaannik suliaqarsinnaatitaasoq.
 - INI A/S inissianik piginnittuunngilaq, taamaattumik ilaasortaataat attuumassuteqanngitsutut inissisimavoq.
- Siunnersuummi inissiani attartortittakkani nalinginnaasuni, Namminersorlutik Qartussanit kommuninilluunniit, imaluunniit inissiaatileqatigiiffinnit, Namminersorlutik Qartussat kommuninilluunniit aalajangiinnaallutik sunniuteqarfigisinnaasaannit attartortut tamarmik maalaaruteqarsinnaanissaat qulakkearniarneqarpoq.
- Ineqarneq pillugu Maalaaruteqartarfiup oqarsinnaatitaaffiinut nutaatut inissiat attartortittakkat allanit pigineqartut, Namminersorlutik Qartussanit kommuninillu attartorneqarlutik attartortunut najugassatut attartorteqqinneqartut ilaalissapput.
- Ineqarneq pillugu Maalaaruteqartarfiup oqarsinnaatitaaffiinut nutaatut inissiat attartortittakkat inissiaatileqatigiiffinnit Iserit A/S-imit, Illuut A/S-imit, Kujallermi Illuutit A/S-imit, Kommune Qeqertalik Ejendomsselskab A/S-imit, Avannaa Development A/S-imit kiisalu Siorarsiorfik – Nuuk City Development A/S-imit pigineqartut ilaalissapput.